



Ա. Դ. ԶԵԽՈՎ

ՔԱԽՏՏԱԿԱՆԸ

ՊԵՏՐԱՏ ՅԵՐԵՎԱՆ 1937

Ա. Պ. ԶԵԽՈՎ


ՍՈՒՐԳՆԵՐ Ե 1937

Փ Ա Խ Ս Տ Ա Կ Ա Ն Ը

ԹՍՐԳՄ.
ՎԱԶԳԵՆ ՏՍԼՅՍՆԻ

Նկարներ
Ա. ԴՍՎԻԴՈՎԱՅԻ

Մ 24352-1312



ՊԵՏՐՈՍ

ՀԼԿՅԵՄ ԿԿ ԿԻՑ ՄԱՆԿԱՊԱՏԱՆԵԿԱԿԱՆ ԳՐԱԿԱՆՈՒԹՅԱՆ ԲԱԺԻՆ
ՅԵՐԵՎԱՆ

1937

А. П. Чехов

Б Е Г Л Е Ц

Госиздат, Ереван, 1937



Այդ մի յերկնք արարողութիւնն եր:
Սկզբում Պաշկան անձրեվի տակ քայլում եր
մոր հետ մերթ հնձած դաշտերով, մերթ
անտառի կաճաններով, վորտեղ դեղնած տե-
րեփները կպչում էյին նրա կոշիկներին,
այնքան քայլեց, մինչև լուսացավ: Հետո նա
մի յերկու ժամ կանգնեց մութ միջանց-
քում և սպասեց, մինչև վոր դուռը բաց
անեն: Միջանցքում այնքան ցուրտ ու խո-
նավ չեր, վորքան դուրսը, բայց յերբ քա-
մին փչում եր, անձրևի կաթիլներն այն-
տեղ ել էյին հասնում: Յերբ միջանցքը կա-
մաց-կամաց լցվեց մարդկանցով, նրանց ա-
րանքում սեղմված Պաշկայի յերեսը դեմ
առավ ինչ-վոր մեկի մուշտակին, վորից ա-
ղած ձկան ուժեղ հոտ եր փչում, և Պաշկան
ննջեց: Բայց, ահա, փականը չխկաց, դուռը

կրնկի վրա բացվեց, և Պաշկան մոր հետ
մտավ ընդունարան: Այստեղ ել ստիպված
յեղան յերկար սպասել: Բոլոր հիվանդները
լուռ ու անշարժ նստած էյին նստարաննե-
րին: Պաշկան դիտում եր նրանց և նույն-
պես լուռ եր, չնայած շատ սարսափելի ու
ծիծաղելի բաներ եր տեսնում: Մի անգամ
միայն, յերբ մի փոտի վրա թռչկոտելով ըն-
դունարան մտավ մի ինչ-վոր Չահել տղա,
Պաշկան ինքն ել ուզեց այդպես թռչկոտել:
Նա բրթեց մոր արմունկը, թևքի մեջ փռթ-
կաց ու ասաց.

—Մայրիկ, տես՝ ճնճողուկ:

—Սո՛ւս արա, բալաս, սո՛ւս արա,—ասաց
մայրը:

Փոքրիկ լուսամուտում յերևաց գիշերը
կուշտ քնած բուժակը:

—Մոտեցեք ցուցակագրվելու,—բամբ
ձայնով ասաց նա:

Բոլորը, նրանց թվում և ծիծաղելի
թռչկոտող Չահելը, ուղղվեցին դեպի փոքրիկ
լուսամուտը: Բուժակն ամեն մեկին հարց-
նում եր անունը, հայրանունը, տարիքը,
բնակավայրը, վաղո՞ւց ե, արդյոք, հիվանդ, և
այլն: Իր մոր պատասխաններից Պաշկան



—Մայրիկ, տես՝ ճնճողուկ!

իմացավ, վոր իր անունը վոչ թե Պաշկա յե՛
այլ Պավել Գալակտիոնով, վոր ինքը յոթ
տարեկան է, անգրագետ և հիվանդ է գատկից
սկսած:

Գրվելուց հետո պետք յեղավ կարճ ժա-
մանակով վոտքի կանգնել, վորովհետև ըն-
դունարանով անցավ բժիշկը՝ սպիտակ գոգ-
նոցը հագին և յերեսսրբիչը գոտկի պես
մեջքին կապած: Թուշկոտող ջահելի մո-
տով անցնելիս նա ուսերը վեր քաշեց և
ծոր տալով ասաց.

—Ա՛յ քեզ հիմար: Ի՞նչ, բա հիմար չե՞ս:
Յես քեզ կարգադրել եմ, յերկուշաբթի որը,
իսկ դու ուրբաթ որն ես յեկել: Ինձ վոր
մնա՝ իսկի յել մի գա, բայց, հիմարի գլուխ,
ախր վոտդ կփչանա:

Ջահելի դեմքն աշնպիսի խղճալի արտա-
հայտություն ստացավ, վոր կարծես ուզում
էր վողորմություն խնդրել: Նա աչքերը
ճպճպացրեց ու ասաց:

—Մի բարություն արեք, Իվան Միկո-
լայիչ:

—Ել ի՞նչ Իվան Միկոլայիչ, — հեզնեց
բժիշկը: Ասել եմ յերկուշաբթի, ուրեմն պի-
տի լսել: Հիմար ես, ուրիշ վոչինչ...

Ընդունելությունն սկսվեց: Բժիշկն իր սենյակում նստած՝ հերթով կանչում եր հիվանդներին: Բժշկի սենյակից հաճախ լսվում էյին սուր ճիչեր, յերեխայի լաց կամ բժշկի զայրացկոտ բացականչությունները:

— Դե, ի՞նչ ես ճվում: Մորթում եմ քեզ, ի՞նչ ե: Հանգիստ նստիր:

Պաշկայի հերթը հասավ:

— Պավել Գալակտիոնով, — կանչեց բժիշկը:

Մայրը քարացավ, կարծես այդ կանչին չէր սպասում: Նա բռնեց Պաշկայի ձեռքից և տարավ փոքրիկ սենյակը:

Բժիշկը նստած եր սեղանի մոտ և փոքրիկ մուրճով մեքենայորեն խփում եր հաստ գրքին:

— Ի՞նչն ե ցավում, — հարցրեց նա, առանց ներս մտնողներին նայելու:

— Տղան արմունկի ցավ ունի, տեր բժիշկ, — պատասխանեց մայրը, և նրա դեմքն այնպիսի արտահայտություն ստացավ, վոր կարծես իսկապես չափազանց տխրել եր Պաշկայի ցավի համար:

— Շորերը հանիր:

Պաշկան փնչալով արձակեց վզի թաշկի-նակը, հետո թևքով սրբեց քիթը և առանց

տապելու սկսեց հանել փոքրիկ մուշտակը.

—Այ կնիկ, հո հյուր չէս յեկել, — բարկացած ասաց բժիշկը. — Ի՞նչ ես ձգձգում: Մենակ հո դու չէս:

— Պաշկան մուշտակն շտապով գետին գցեց և մոր ոգնությամբ շապիկը հանեց: Բժիշկը ծուլորեն նայեց նրան և չփչփացրեց նրա մերկ փորին:

— Պաշկան, շատ մեծ փոր ունես, ախպեր, — ասաց բժիշկը և հառաչեց. — Դե, ցույց տուր արմուճնիդ:

Պաշկան խեթ-խեթ նայեց արնախառն կեղտաջրով լի թասին, բժշկի գոգնոցին ու լաց յեղավ:

— Մե...ե — ծաղրեց բժիշկը: Սրան տես, նշանելու աղա յե ու զուռում ե: Ամսթ քեզ:

Աշխատելով լացը զսպել, Պաշկան նայեց մորը և նրա այդ հայացքում մի խնդիր եր գրված.

«Դու ել տանը չպատմես, թե յես հիվանդանոցում լաց յեղա»:

Բժիշկը տնտղեց նրա արմուճնիկը, սեղմեց, հառաչեց, շրթունքները չփչփացրեց, հետո նորից սեղմեց:

— Քեզ ծեծել ե հարկավոր, այ կնիկ, բայց ծեծող չկա: Ինչո՞ւ սրան ավելի շուտ

չէյիր բերում: Չե՞ վոր ձեռքը փչացած-պըր-
ծած է: Անխեղք, մի տես է, հողն է ցա-
վում ախր:

—Դուք ավելի լավ կգիտենաք, տեր
բժիշկ...—հառաչեց կինը:

—Տեր բժիշկ... Տղայի ձեռքը փչացրել
ես ու հիմա, թե՛ տեր բժիշկ: Առանց ձեռքի
սա ի՞նչ աշխատող կլինի: Մինչև կյանքիդ
վերջը սրան դայակություն պիտի անես: Քո
քթին վոր մի պզուկ դուրս գա, յերևի ան-
միջապես հիվանդանոց կվազես, իսկ տղային
կես տարի փտեցրել էս: Դուք բոլորդ եք
այդպես:

Բժիշկը գլանակը վառեց: Մինչ գլանակը
մխում էր, նա նախատում էր կնոջը և
մտքում յերգած յերգի չափով գլուխը տըմ-
բացնում ու յերկար մտածում ինչ-վոր բա-
նի մասին: Մերկ Պաշկան նրա առջև կանգ-
նած լսում էր ու ծխին նայում: Յերբ գլա-
նակը հանգավ, բժիշկն սթափվեց ու սկսեց
խոսել մի քիչ ցածր:

—Դե լսիր, այ կնիկ: Սպեղանիներով ու
կաթիլներով ցավին դարման չես անի: Հար-
կավոր է տղային թողնել հիվանդանոցում:

—Թե վոր պետք է, ինչու չե, կթողնեմ,
տեր բժիշկ:



— Դե, դու մա, Պաշկա, ասաց բժիշկը, Թփթփաղնելով
Պաշկայի ուսին:

—Մենք նրան կվիրահատենք: Դե, դու մնա, Պաշկա,—ասաց բժիշկը, թփթփացնելով Պաշկայի ուսին:—Թող մայրդ գնա, իսկ յես ու դու, ախպերս, կմնանք այստեղ: Ինձ մոտ, ախպերս, շատ լավ է, լավ քեֆ կքաշենք: Դու տես, թե յես ու դու ինչէր պիտի ա-նենք, սարյակ վորսալու կգնանք, յես քեզ աղվես ցույց կտամ: Միասին հյուր կգնանք... Հը, ուզում ես: Իսկ մայրդ վնդը կգա քո յետևից, հը:

Պաշկան հարցական նայեց մոր յերեսին: —Մնա՞ բալաս,—ասաց մայրը:

—Մնում է, մնում,—ուրախ բացական-չեց բժիշկը:—Ել յերկար-բարակ խոսելու կա-րիք ել չկա: Յես նրան կենդանի աղվես ցույց կտամ, միասին կգնանք տոնավաճառ պաղ-շաքար գնելու... Մարիա Դենիսովնա, սրան վերև տարեք:

Բժիշկն ըստ յերևույթին զվարթ ու մեղ-մաքարո մարդ էր և նրան ընկերակցելը հաճելի կլիներ: Պաշկան ուզեց հարգել բժիշկին, մանավանդ, վոր յերբեք տոնավա-ճառում չեր յեղել, մեծ սիրով ել կենդանի աղվեսին կնայեր, բայց առանց մորն ինչ-պես մնար: Մի քիչ մտածելուց հետո նա

վորոշեց խնդրել բժշկին, վոր մորն ել թող-
նի հիվանդանոցում, բայց բերանը դեռ չեր
բացել, վոր բուժակուհին նրան սանդուղքով
արդեն վերև եր տանում: Գնում եր Պաշ-
կան և բերանը բաց նայում եր չորս կող-
մը: Սանդուղքը, հատակն ու շեղակները՝ բո-
լորը ներկված եյին հիանալի գեղին ներկով
և ձեթի անուշ հոտ եյին արձակում: Ամե-
նուրեք կախված եյին լամպեր, ձգված եյին
նեղ ու յերկար գորգեր, պատերից դուրս
եյին ցցված պղնձե ծորակներ: Բայց Պաշ-
կային ամենից շատ դուր յեկավ այն մահ-
ճակալն ու մոխրագույն անողորկ վերմակը,
վորի վրա նստեցրին նրան: Նա ձեռք տվեց
բարձերին ու վերմակին, դիտեց հիվանդնե-
րի սենյակը և վորոշեց, վոր բժիշկը վատ չի
ապրում:

Հիվանդների սենյակը մեծ չեր, այնտեղ
յերեք մահճակալ կար միայն: Մի մահճա-
կալն ազատ եր, մյուսը Պաշկան եր զբա-
ղեցրել, իսկ յերրորդի վրա նստած եր թրթ-
ված աչքերով ինչ-վոր մի ծերուկ, վորն ա-
նընդհատ հագում եր ու թքում գավաթի
մեջ: Դուռը բաց եր և Պաշկան իր մահճա-
կալի վրայից տեսնում եր մյուս սենյակի
մի մասը՝ յերկու մահճակալով, վորոնցից մե-

կի վրա քնած եր ինչ-վոր շատ գունատ,
նիհար մի մարդ՝ գլխին ուտինե բուշտ
դրած, իսկ մյուսի վրա, ձեռքերն իրարից
հեռու դրած, նստած եր փաթաթած գլխով
մի գեղջուկ, վորը շատ նման եր կնոջ:

Պաշկային նստեցնելով, բուժակուռին
գուրս գնաց և մի քիչ հետո վերադարձավ
հագուստի մի կուլյա գրկած:

— Ես քեզ, — ասաց նա, — հագվիր:

Պաշկան հանվեց և հաճույքով սկսեց ըզ-
գեստավորվել: Հագնելով շապիկը, վարտիքը
և մոխրագույն խալաթը, նա ինքնագոհ գի-
տեց իրեն և մտածեց, վոր այդպիսի զգես-
տով վատ չեր լինի մի անգամ անցնել գյուղով:
Նրա յերևակայությանը պատկերանում եր, թե
ինչպես մայրն իրեն ուղարկում ե գետափի
բանջարանոցը գոճու համար կաղամբի
տերևներ քաղելու: Նա գնում ե, իսկ տղա-
ներն ու աղջիկները շրջապատել են իրեն ու
նախանձով նայում են նրա խալաթին:

Սենյակը մտավ հիվանդապահ կինը, ձեռ-
քին՝ յերկու փայտե աման, գդալներ և յեր-
կու կտոր հաց: Մի ամանը նա դրեց ծերու-
կի առաջ, իսկ մյուսը՝ Պաշկայի:

— Կեր, — ասաց նա:



—ԿԵՐ, — ասաց նա:

Նայելով ամանի մեջ՝ Պաշկան տեսավ
յուղալի կաղամբե ապուր՝ մեջը մի կտոր
միս: Նա նորից մտածեց, վոր բժիշկն իսկի
ել վատ չի ապրում, և վոր նա այնքան ել
բարկացկոտ չե, ինչպես սկզբում յերևաց:
Պաշկան յերկար ժամանակ կերավ ապու-
րը, ամեն կումից հետո լիզելով գղալը:
Հետո, յերբ ամանում բացի մսից ուրիշ
բան չմնաց, խեթ-խեթ նայեց ծերուկին
և նախանձեց, վոր նա դեռ ուտում ե:
Պաշկան հառաչեց և սկսեց միսն ու-
տել, աշխատելով վորքան կարելի յե յեր-
կար ժամանակ ուտել, բայց նրա ջանքերը
վոչ մի արդյունք չտվին. շուտով միսն ել
չքացավ: Մնաց միայն մի կտոր հաց: Հացն
առանց կերակրի անհամ եր, բայց ինչ ա-
րած: Պաշկան մտածեց և հացն ել կերավ:
Այդ ժամանակ ներս մտավ հիվանդապահը՝
նոր բրեղաններով: Այս անգամ ամանների
մեջ տապակած միս եր, հետն ել կարտոֆիլ:
— Բա հացդ ուր ե, — հարցրեց հիվան-
դապահը:

Պատասխանի փոխարեն Պաշկան թշերն
ուռցրեց և ոգ դուրս փչեց:

— Ախր ինչի՞ խժուեցիր, — կշտամբեց հի-

վանդապահը. բա տապակածն ինչո՞վ պիտի
ուտես:

Նա դուրս գնաց ու հացի մի նոր կտոր
բերեց:

Պաշկան յերբեք տապակած միս չեր կե-
րել և այս անգամ փորձելով տեսավ, վոր
շատ համեղ է: Տապակածը շուտ չքացավ և
հացի ավելի մեծ կտոր մնաց, քան թե
ապուրից հետո: Ծերուկը ճաշեց պրծավ և
մնացած հացը պահեց փոքրիկ սեղանի արկ-
ղի մեջ: Պաշկան ել նույնն եր ուզում անել,
բայց հետո միտքը փոխեց և իր հացի կտո-
րը կերավ: Կերավ, կշտացավ ու գնաց գրոս-
ներու:

Հարևան սենյակում, բացի նրանցից, վո-
րոնց նա տեսել եր բաց դռնից, չորս մարդ
ել կար: Նրանցից միայն մեկը գրավեց Պաշ-
կայի ուշադրությունը: Իա բարձրահասակ,
մազոտ ու մռայլ դեմքով, չափազանց նի-
հար մի գյուղացի յեր: Նա նստած եր մահ-
ճակալին և ճոճանակի պես անընդհատ տրմ-
բացնում եր գլուխն ու շարժում աջ ձեռքը:
Պաշկան յերկար ժամանակ աչքը չեր հե-
ռացնում նրանից: Գյուղացու ճոճանակաձև
համաչափ շարժումները Պաշկային սկզբում

տարրորինակ, մյուսներին զվարճացնելու համար կատարվող բան էլին թվում. բայց
յերբ նա մոտիկից նայեց նրա դեմքին, սարսափեց ու հասկացավ, վոր այդ գյուղացին
ծանր հիվանդ է:


Անցնելով յերրորդ սենյակը, նա տեսավ
յերկու գյուղացու, վորոնց մուգ կարմիր
դեմքերը վոնց վոր կավաշաղախ լինեյին:
Նրանք անշարժ նստած էյին մահճակալնե-
րին և իրենց դեմքերով, վորոնց վրա դրժ-
վար եր ջոկել դիմագծերը, հեթանոսական
փոքրիկ կուռքերի էյին նման:

— Մորք՛ուր, սրանք ինչի՞ յեն եսպես,
— հարցրեց Պաշկան հիվանդապահին:

— Նրանք ծաղիկով հիվանդ են, փոքրիկ:
Վերադառնալով իր սենյակը, Պաշկան
նստեց մահճակալին և սկսեց սպասել բժշկին,
վոր նրա հետ սարյակ վորսալու կամ տոնա-
վաճառ գնա: Բայց բժիշկը չկար: Հարևան սե-
նյակի դռան մեջ յերևաց բուժակը: Նա կռա-
ցավ գլխին սառցով լիքը տոպրակ դրած
հիվանդի վրա և բացականչեց.

— Միխայլո:

Քնած Միխայլոն շարժվեց: Բուժակը
ձեռքը թափ տվեց ու գնաց: Բժշկին սպա-



սելու ժամանակ Պաշկան ուշադրությամբ
դիտում եր իր հարևան ծերուկին: Ծերուկն
անդադար հազում եր ու թքում գավաթի
մեջ: Նրա հազը յերկարածիգ եր ու ճրո-
ճրոան: Ծերուկի մի առանձնահատկությունը
Պաշկային դուր յեկավ: Յերբ նա հազալիս ողը
ներս եր քաշում, նրա կրծքում ինչ-վոր բան
սուլում եր ու տարբեր ձայներով յերգում:

— Պապի, եդ ի՞նչն ե շվշվացնում,—
հարցրեց Պաշկան:

Ծերուկը վոչինչ չասաց: Պաշկան մի քիչ
սպասեց ու հարցրեց.

— Պապի, աղվեսը վճրտեդ ե:

— Ի՞նչ աղվես:

— Կենդանի աղվես:

— Ել վճրտեդ պիտի լինի, անտառում:

Շատ ժամանակ անցավ, բայց բժիշկը
դեռ չեր յերևում: Հիվանդապահը թեյ բե-
րեց և Պաշկային կշտամբեց, վոր թեյի հա-
մար հաց չի թողել: Բուժակը մի անգամ ել
յեկավ և աշխատեց ձեն տալ Միխայլոյին:

Մի՞նեց: Սենյակներում ճրագները վա-
ռեցին, իսկ բժիշկը չկար ու չկար: Շուկա
գնալու կամ սարյակներ վորսալու համար
արդեն ուշ եր: Պաշկան ձգվեց անկողնի վրա
և սկսեց մտածել: Նա հիշեց բժշկի խոստա-

ցած պաղշաքարը, մոր դեմքն ու ձայնը, իրենց խրճիթի մթու թյուկներ, վառարանը, փնթփնթացող Յեզորովնա տատին... և հանկարծ տխրեց ու թախիժ գգաց: Յերբ հիշեց, վոր վաղը մայրը գալու յե իր յետևից, ժրպտաց և աչքերը փակեց:

Նրան զարթեցրեց խշխշոցը: Հարևան սենյակում ինչ-վոր մեկը քայլում եր ու շշուկով խոսում: Գիշերային ճրագների ու կանթեղների նվազ լույսի տակ Միխայլոյի մահճակալի մոտ յերեք կերպարանք էյին շարժվում:

— Մահճակալով տանենք, թե ենպես, — հարցրեց նրանցից մեկը:

— Ենպես, մահճակալը դռներից չի անցնի: Եհ... իր ժամանակին չմեռնով, աստված հոգին լուսավորի:

Մեկը բռնեց Միխայլոյի ուսերից, մ'յուսը՝ վոտներից ու բարձրացրին: Միխայլոյի թևերն ու խալաթի փեշերը թույլ կախվեցին ողում: Յերրորդը, կնոջ նման գյուղացին, խաչակրնքեց ու յերեքն ել վոտներով անկարգ թխկթխկացնելով ու Միխայլոյի փեշերը կոխուտելով, դուրս գնացին սենյակից:

Քնած ծերուկի կրծքից լավում եր սուլոցն ու բազմաձայն յերգը: Պաշկան լսեց,

նայեց մութ լուսամուտներին և սարսափահար վեր թռավ տեղից:

— Մայրիկ... հաստ ձայնով հառաչեց նա և առանց պատասխանի սպասելու, իրեն նետեց մյուս սենյակը: Կանթեղն ու գիշերային ճրագը հագիվ էին լուսավորում խավարը:

Միխայլոյի մահով անհանգստացած, գրգռված մազերով հիվանդները նստել էին իրենց մահճակալներին ու միախառնվելով սովերներին, ավելի լայն ու բարձրահասակ էին յերևում և թվում էր, թե քանի զնում մեծանում էին: Վերջին մահճակալին, ուր ավելի մութն էր, նստած էր գյուղացին և շարժում էր ձեռքն ու գլուխը:

Առանց դռների մեջ տարբերություն դնելու, Պաշկան նետվեց ծաղկով հիվանդների սենյակը, այնտեղից՝ միջանցք, միջանցքից ներս ընկավ մի մեծ սենյակ, վորտեղ մահճակալներին նստած ու պառկած էին հրեշներ՝ յերկար մազերով ու պառավի դեմքերով: Վազելով անցավ կանացի բաժինը և նորից ընկավ միջանցք. նա տեսավ ծանոթ սանդուղքի ճաղերը և ցած վազեց: Նա ճանաչեց ընդունարանը, վորտեղ առավոտը նստած էր և սկսեց փնտռել դրսի դուռը:



Գաշկան լսեց, նա յից մութ լուսամուտներին...

Դուան փականը չխկաց, սառը քամին
փչեց և Պաշկան սայթաքելով դուրս վազեց
բակը: Նրան միայն մի միտք էր զբաղեցնում՝
փախչել ու փախչել: Ճանապարհը չգիտեր
բայց հավատացած էր, վոր յեթե վազի,
անպայման կհասնի տուն, մոր մոտ: Գիշերն
ամպամած էր, բայց ամպերի տակից լույս
էր տալիս լուսինը: Դրսի սանդուղքից Պաշ-
կան առաջ վազեց, պտտվեց սրահի շուրջը
և դեմ առավ խիտ թփերին: Մի բիշ կանգ
առավ, մտածեց ու յետ վազեց դեպի հի-
վանդանոցը, պտտվեց նրա չորս կողմը և
նորից կանգնեց անորոշ դրուժյան մեջ:
Հիվանդանոցից այն կողմ սպիտակին ելին
տալիս գերեզմանների խաչերը:

— Մայրի՛կ... ճչաց նա ու յետ փախավ:

Մուժ ու խոժոռ շենքերի մոտով անց-
նելիս, նա մի լուսավորված պատուհան տե-
սավ: Վառ կարմիր բիծը խավարում սարսա-
փելի յեր թվում, բայց վախից խելքը կորց-
րած Պաշկան, չիմանալով ուր փախչել, յետ
դարձավ դեպի այդ բիծը: Լուսամուտի կող-
քին աստիճաններով մի պատշգամբ ու մի
շքեղ դուռ կար՝ վրան սպիտակ ու փոքր մի
տախտակ: Պաշկան սանդուղքով վեր վազեց
և լուսամուտից ներս նայեց: Մի անսահման

ուրախութիուն համակեց նրան: Լուսամուտից նա տեսավ ուրախ, մեղմաբարո բժշկին, վորը սեղանի մոտ նստած գիրք եր կարդում: Յերջանկութիունից ծիծաղելով, Պաշկան թևերը տարածեց դեպի ծանոթ դեմքը և ուզեց աղաղակել, բայց մի անհայտ ուժ արգելեց նրա շնչառութիունը, զարկեց վտաներին: Նա ճոճվեց ու անզգա ընկավ սանդղղքին:

Յերբ նա ուշքի յեկավ, արդեն լույս եր և շատ ծանոթ մի ձայն, վորը յերեկ տոնավաճառ գնալ, սարյակ ու աղվես եր խոստանում, ասում եր նրան.

— Այ թե հիմարն ես, Պաշկան: Հիմար չե՞ս բա: Այ թե ծեծելու տեղ ունե՞ս...



Թարգմանեց՝ Վ. Տալյան
Խմբագրեց՝ Հ. Հայրապետյան
Սրբագրեց՝ Պ. Ավագյան
Կոնտրոլ սրբագրեց՝ Վ. Ավագյան
Գրավիտի լիազոր Կ. 4573
Հրատ. № 4102, տիրած 3000, պատվեր № 813
Հանձնվել է արտադրության 1937 թ. հոկտեմբերի 15-ին
Մատրագրվել է տպագրության 1937 թ. նոյեմբ. 11-ին


Պետհրատի 2-րդ տպարան

11

ԳԱԱ Հիմնարար Գիտ. Գրադ.



FL0002011



4172 75 4.

084.

38
A $\frac{\text{II}}{24352}$

А. П. ЧЕХОВ
Б Е Г Л Е Ц
Г И З А Р М . С С Р Е Р Е В А Н